



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Pastorale Missionariorvm**

**Verjuys, Jean-Baptiste**

**Antverpiæ, 1682**

2. Quæ dispositio requiratur ad benè, & fructuosè credendum.

**urn:nbn:de:hbz:466:1-41565**

## ARTICULUS II.

*Quæ dispositio requiratur ad bene & firmiter credendum.*

**C**UM credere sit actus intellectus assentientis primæ veritati, ex imperio voluntatis; utraque potentia debet ad fidem esse disposita: quoad intellectum quidem per humilitatem, de quâ jam agemus, & quoad voluntatem per piam motionem seu charitatem, de quâ in sequenti articulo.

Apostolus 2. Cor. 10. v. 5. requirit ut intellectum omni subiectione submittamus, *captivitatem redigentes omnem intellectum in obsequium Christi.* Ubi S. Thomas; *Quid quidem tunc fit, quando id quod homo scit, totum supponit ministerio Christi & fidei; Ps. 149. Alligandos Reges eorum in compedibus: Et Eccli. v. 25. Injice pedem tuum in compedes illius, in documenta fidei.* Per intellectum & rationem est, homo quodammodo Rex super creaturas irracionales, & per intellectum seu iudicium proprium extollebant se antiqui Philosophi, & omnes hæretici adversus scientiam Dei, scilicet fidem, quæ est scientia Dei, inquit S. Th. Alligandus est igitur intellectus in compedibus firmæ fidei, per subiectionem omnis scientiæ & iudicii. Qui compedes etiam

II. injiciendi pedi passionum & pravorum affectuum, qui intellectum obnubilant, ne percipiat fidei documenta. Captivatio illa intellectus humilitatem designat: nihil enim homini magis ex originali peccato innatum, quam superba adhaesio ad proprium judicium. Et inde tot haereses; per hoc enim quod unusquisque sibi velit sapere, & nulli, ne quidem divinae veritati se subdicere, in errores prolabitur. Sic August. lib. de Agone Christ. cap. 15. *Haeretici multum errant, quoniam superbi sunt, & non possunt discere, quia nolunt credere.* Et contra Epist. Manich. cap. 6. *Mater omnium haeticorum superbia est.* Ex quo facile potest deduci quod mater omnium Catholicorum sit humilitas; illi ideo a veritate deficiunt quia nolunt se submittere, hi in veritate proficiunt, quia intellectum & proprium judicium in captivitatem redigunt in obsequium Christi, & fidei ipsius. Optima igitur dispositio ad fidem est submissio intellectus ad ea quae non apparent, & quae hic videri non possunt, uti potissima dispositio ad errandum cum haeticis est intellectus superbia, qua nihil admittunt nisi prout sibi sapiunt. Scientia haeticorum inflat, fidelium fides super fundamentum humilitatis aedificat. Decepit Evam Serpens promittendo scientiam instantem, contra fidem Creatoris: *Eritis sicut Dii scientes, nequaquam moriemini.* Reduxit Christus fidem per humilitatem aedificantem, ac propterea

infirma mundi elegit, scilicet rudes piscatores  
 ut fortia, scilicet sapientes hujus mundi con-  
 funderet. *Perdam sapientiam sapientium*  
 quit Apostolus 1. Corinth. 1. v. 19. *Et pro-*  
*dentiam prudentium reprobabo. Vbi Sapiens?*  
*Scriba? ubi Conquisitor hujus seculi? non*  
*stultam fecit Deus sapientiam hujus mundi?*  
*quia in Dei sapientia cognovit mundus per-*  
*ipientiam Deum, placuit Deo per stultitiam*  
*Prædicationis salvos facere credentes. Qui igitur*  
 vult verè sapere, non iannatur sapientiæ hu-  
 jus mundi quæ apud Deum est stultitia; sed  
 suam sapientiam humilitati fidei submittat  
 captivet intellectum in obsequium fidei.  
 hæc est prima dispositio quâ aliquis ad fidem  
 debet reduci, ut credat se credere non posse  
 nisi propriam sapientiam humiliter obscuret  
 sed à Deo revelatæ, veritati subjiciat, agnoscat  
 quod fidei mysteria humanum captum exce-  
 dant, ac proinde velle naturali ratione esse  
 attingere, est velle Babylonicam turrim ad  
 cælum usque erigere. Humilitate igitur agen-  
 dum est ei, qui se vult in fide confirmare  
 & alios ad veram fidem adducere. Qui omnino  
 vult sciendo palpare, necesse est eum in fidei  
 mysteriis errare.